


© Punjabi
Punjab

ਗੁਰੂ

ਸ਼੍ਰੀਮਤਿ ਅਨਮੋਲ

332






গুপ্তন

প্রীদোপ্তি সেবগুপ্তা

পশ্চিমবঙ্গ শিক্ষা-অধিকার
কলিকাতা



প্রথম প্রকাশ
ডিসেম্বর, ১৯৫৭

23.2.74
7887

মূল্য : পঁচিশ নয়া পয়সা

পশ্চিমবঙ্গ-সরকারের শিক্ষা-অধিকারের পক্ষে, প্রচার-অধিকর্তা প্রীতকাশস্বরূপ মাথুর কর্তৃক
প্রকাশিত এবং পশ্চিমবঙ্গের সরকারী মদ্রণে অধীক্ষক শ্রীশ্রীভেন্দ্র মদ্রখোপাধ্যায়
কর্তৃক মদ্রদ্রিত



ভূমিকা

শিশু এবং সদ্যসাক্ষর পাঠকের উপযোগী সাহিত্য রচনা সমাজ-শিক্ষা পরিকল্পনার একটি বিশেষ অঙ্গ। ঐরূপ সাহিত্য রচনার উদ্দেশ্যে গত দুই বৎসর যাবৎ পশ্চিমবঙ্গ শিক্ষা-অধিকার কর্তৃক সাহিত্য-কর্মশালা আয়োজিত ও পরিচালিত হইতেছে। কোন বিশেষ সাহিত্য-রত্নীর তত্ত্বাবধানে কয়েকজন নির্বাচিত লেখক লইয়া সাহিত্য কর্মশালা সংগঠিত হয়। নতুন আঙ্গিকে এবং বিশেষজ্ঞের তত্ত্বাবধানে লেখকগণ নানা বিষয়ে সাহিত্য রচনায় ব্যাপৃত থাকেন। দেড়মাস কাল তাঁহারা পরস্পরের সান্নিধ্যে থাকিয়া রচনার বিষয়বস্তু, রচনার ভাষা এবং রচনাশৈলী ইত্যাদি বিষয়ে আলাপ আলোচনা করেন। পুনঃপুনঃ আলোচনা, সংশোধন ও পরিবর্তনের ফলে রচনাগুণি যতদূর সম্ভব নিভুল, সহজ ও সুখপাঠ্য হইয়া উঠে।

১৯৫৬-৫৭ সনে বাণীপুরে দ্বিতীয় সাহিত্য-কর্মশালার অধিবেশন হইয়াছিল। ইহার পরিচালনা ও তত্ত্বাবধানের দায়িত্ব ন্যস্ত হইয়াছিল শিশুভারতী-সম্পাদক প্রবীণ সাহিত্যিক শ্রীযোগেন্দ্রনাথ গুপ্ত মহাশয়ের উপর। ষোলজন লেখক এই কর্মশালায় যোগদান করিয়াছিলেন। তাঁহাদের সমবেত প্রচেষ্টায় মোট ষোলখানা শিশু ও কিশোর-পাঠ্য বই রচিত হইয়াছে। এই বইখানি উহাদের অন্যতম। শিশু ও কিশোর পাঠক-পাঠিকার পক্ষে সুবোধ্য, সহজ ও সরল ভাষায় বইগুণি লিখিত হইয়াছে। আশা করা যায় যে, বাঙলার শিশু ও কিশোর সম্প্রদায় এই বইগুণি পাঠ করিয়া আনন্দ ও জ্ঞান লাভ করিবে।

সাহিত্য-কর্মশালার পরিচালক শ্রীযোগেন্দ্রনাথ গুপ্ত ও তাঁহার সুযোগ্য সহকর্মীগণ যে নিষ্ঠা ও ঐকান্তিকতার সহিত এই গুরুত্বপূর্ণ কার্য সম্পন্ন করিয়াছেন সেজন্য তাঁহারা ধন্যবাদার্থ।

নিখিলরঞ্জন রায়,
সমাজশিক্ষার প্রধান পরিদর্শক,
শিক্ষা-অধিকার, পশ্চিমবঙ্গ

সূচীপত্র

কবিতা	পৃষ্ঠা
১। দেশের ডাক	১
২। ঋতু-সঙ্গীত	২
৩। গ্রীষ্ম	৪
৪। বর্ষা	৬
৫। শরৎ	৮
৬। হেমন্ত	৯
৭। শীত	১০
৮। বসন্ত	১১
৯। বলি শোন	১৩
১০। কাঠঠোকরার গান	১৬
১১। চায়ের আসর	১৭
১২। ছুটির মজা	১৯
১৩। পদতুল-বিয়ে	২১
১৪। যাবই চলে	২৩
১৫। দপদপে	২৫



5623

গুপ্তন

দেশের ডাক

নতুন যুগের নতুন মানুষ
দেশ আমাদের ডাকে;
দেশটি মোদের ছোট মনে
স্বপন-ছবি আঁকে।

আমার এ দেশ, তোমার এ দেশ
দেশের মোরা সবাই;
দেশ যে আজি ডাকছে মোদের
আয়রে ছুটে যাই।

ঋতু-সঙ্গীত

নতুন কথা বলছি শোন
মোদের নতুন সুরে;
ছয়টি রূপে এই প্রকৃতি
বেড়ায় জগৎ জুড়ে।

কেউ বা পারি' গেরদুয়া সাজ
কেউ বা নীলাম্বরী
নৃত্যে, গানে এই ধরাটি
আমরা মধুর করি।

ভালোবাসে পরতে বা কেউ
শাড়িটি আস্‌মানী
বাসন্তী সাজ সাজে বা কেউ
কারো সাজটি ধানী।

মদখটি কারো হাসিখুশি
কেউ বা টলোমলো,
কাজল কালো আঁখি দু'টি
কারো ছলোছলো।

আকাশ, বাতাস, জল ও মাটি
আমরা ভালোবাসি,
নিয়ম-মানা ছন্দ সুরে,
একের পরে আসি।



আম কাঠালের মধুর নেমা বড় ভালোবাসি

গ্রীষ্ম

ধূসর রঙের ঘোমটা প'রে
আজকে কে ভাই এলে?
গেরদুয়া ঐ রঙবাহারে
দুঃখ বিপদ ঠেলে?

তৃষ্ণাকাতর মদুখটি তোমার
এমন কেন কালো;
রূপের মায়া নেই তো তোমার
দেখতে তো নও ভালো।

সত্যি কথা বলছো তুমি
ছন্দ ছবির মিলে;
দেখতে আমায় পাবে নাকো
লাল, সবুজ আর নীলে।

বৈশাখ আর জ্যৈষ্ঠ মাসে
গ্রীষ্ম নামে আসি',
আম, কাঁঠালের মধুর নেশা
বন্ড ভালোবাসি।

বর্ষা

নীল শাড়িটির দুলিয়ে আঁচল,
চোখের তারায় কালো কাজল;
রুমঝুম রুম গানটি গেয়ে
এলাম তোমার কাছে;
চিনতে আমায় পার কিনা
কি নাম আমার আছে?

মাটির বৃকে আমার ধারাজলে,
দিকে দিকে সোনার ফসল ফলে;
বিশিষ্ট-ভেজা দিনটি পেলে
খুশি হও তা জানি;
কেউ বা আমায় “বর্ষা” বলে
কেউ বা “বাদলরানী”।



বিস্ট-ভেজা দিনটি পেলে খুশি হও তা জানি

শরৎ

নীল আকাশের সাদা ভেলায়
হাল্কা মেঘের রথে,
ছুটির খবর এলাম নিয়ে
স্বপন-রঙিন পথে।

হাওয়ায় নড়া কাশফুলে আজ
কিসের সাড়া মেলে?
কে তুমি ভাই বল না আজ
কেমন ক'রে এলে?

সবুজ ঘাসে টুপ টুপা টুপ
শিউলি যবে ঝরে,
'শরৎ' তখন নামবে আসি'
এই ধরণীর পরে।

হেমন্ত

আকাশপ্রদীপ নিয়ে হাতে
কে এলে ভাই আজকে রাতে
নতুন দিনের নতুন গানের সুরে
উছলে ওঠে আজকে ধরা
গোলাটি আজ ধানে ভরা
লক্ষ্মী বৃষ্টি এলো মাটির পরে।

আবছা আলোর ঘোমটা দিয়ে
'হেমন্ত' এই নামটি নিয়ে
দুর্বাঘাসে শিশির যেথা বরে
কাণ্ডকের ঐ ধানের ছায়ায়
অঘ্রানের সোনার মায়ায়
পূর্ণরূপে আসি ধরার পরে।

শীত

“পৌষ” আর “মাঘ” দুইটি মাসে

এলাম আমি ভাই,

বরফ-ঝরা হিমেল রাতে,

আমি যে গান গাই।

পাহাড়পুরে থাকি আমি

“শীত” আমারে বলে,

গাঁদাফুল আর মল্লিকাতে

হাসির ঝিলিক ঝলে।

পৌষ-পিঠে, নবান্নের

মধুর আমেজ সাথে,

মনটি মাতাই সকল শিশুর

হিম-ঝরা এই রাতে।

বসন্ত


ঝিরঝিরে মিঠে হাওয়া
নিরে সাথে আজ,
কে এলে গো বল তুমি
প'রে রাঙা সাজ?

সব্জে রঙিন শাড়ি
লাল জামা গায়,
রিমঝিম সদর বাজে
তব রাঙা পায়।

“বসন্ত” আমার নাম
লোকে তাই জানে,
ভ'রে তুলি এই ধরা
খুশিভরা গানে।

কোকিলের মিঠে সদর
পলাশের হাসি,
অশোক আর বকুলেরে
আমি ভালোবাসি।

আবীরের লাল রঙ
পূর্ণিমা রাত্তি,
বলফুল, মল্লিকা
আমার যে সাথী।



চলছি আমি শেওলা সবুজ পাথরগুলি ঘেঁসে

বলি শোন

বল নারে ভাই ছোট নদী
কি ভাই তোমার নাম?
ঝর ঝর ঝর যাচ্ছ কোথা
কোথায় তোমার ধাম?

কোথা থেকে জন্ম নিয়ে
এলে কেমন ক'রে?
কি দেখেছ আসার পথে
নয়ন দ'টি ভ'রে?

বলছি শোন! পাহাড় মাঝে
ছিলাম গভীর ঘুমে,
জাগিয়ে দিল পাহাড় মা যে
একটি ছোট চুমে।

চলছি আমি শেওলা সবুজ
পাথরগুলি ঘেঁষে
ঢেউয়ের নাচন ছন্দ তুলে
মনের সঙ্গ হেসে।

দু'ধারে মোর কাঁচ ঘাস আর
বুনো ফুলের মেলা,
গাঙশালিক আর গঙ্গাফড়িং
করছে সেথায় খেলা।

মাঠের মাঝে যাচ্ছে বয়ে
আমার জলের ধারা
পাল তুলে যায় নৌকাগুলো
বাধা বাঁধনহারা।

আম, কাঁটালের সবুজ ঘন
নিঝুম গ্রামের পাশে,
জল খেতে ভাই দিনে ও রাতে
সিংহ হরিণ আসে।

দিনে দিনে হাঁচি বড়
যাঁচি সাগর পানে
এই কথাটি বলছি আজ
আমার নাচে গানে।



মাঠের মাঝে যাচ্ছে বয়ে আমার জলের ধারা

কাঠঠোকুরার গান

ঠুক ঠুক, ঠুক ঠুক, ঠিক ঠুকা ঠুক,
এই সুরে গান গাই ভ'রে যায় বুক।

খুশিমনে গাই গান

ভ'রে ওঠে মন প্রাণ,

ঠুক ঠুক, ঠুক ঠুক, ঠুক ঠিকা ঠিক
রূপালী নদীটি দূরে করে চিকমিক।

চিপ চপ, চিপ চপ, চিপ চপ চপ

আকাশের বুক হ'তে ঝপ ঝপ ঝপ,

জল প'ড়ে ভিজ়ে যায়

পাখিদের বাসা হায়

চিপ চপ, চিপ চপ, চিপ চিপা চুম

কাঠ চিরে বাসা গড়ি, ভেঙে যায় ঘুম।

চায়ের আসর

মদন, মিন, মিকু, মিঠু
চারটে পদ্যের ছানা,
বলল—‘যাব চা খেতে’ মা
করিস নে গো মানা।

কাঠবেড়ালী ভাইটি মোদের
নদীর বালুর চরে,
করেছে আজ নেমন্তন্ন
চা খাবারই তরে।

চাঁদের আলো ঝল্‌মলিয়ে
উঠবে যখন রেতে;
মণ্ডা, মিঠাই খাব মাগো
অনেক মজায় মেতে।

ভদ্র হয়ে থাকব মোরা
বলছি তোরে আজ;
লাল জামাতে, নীল টুপিতে
সাজিয়ে দে মা সাজ।

ডান থাবাতে ধরব চামচ
পেয়লা বাম হাতে,
“নমস্কার” যে বলব সবাই
হাত ঠেকিয়ে মাথে।

বলল পদ্বি “ভাল থেকো”

তাদের চুম্ব দিয়ে,

চার জনেতে চলল খেতে

হাতেতে হাত নিয়ে।

আসর মাঝে আড় চোখেতে

দেখল চেয়ে সবে,

দুধের সাথে মণ্ডা, মিঠাই

ইন্দুর ছানাও হবে।

মণ্ডা, মিঠাই দেবার সাথে

জিভেতে জল ঝরে

লাফ দিল সব “মিয়াও” ব’লে

ইন্দুরছানার ঘাড়ে।

চায়ের আসর এমনি ক’রেই

হ’ল রে শেষ ভাই,

দুগ্ধুটিমিতে বেড়ালছানার

তুলনা তো নাই।

ছুটির মজা

রগুটু! তুমি বল না ভাই
ছুটির মজার দিনে,
দিনটি তুমি কেমন ক'রে
কাটাবে কোনখানে?

শোন! তবে বলছি শোন,
ছুটির মজা ভাই,
বাড়ির মাঝে খোঁজ নিও গো
দেখবে আমি নাই।

যাব আমি নৌকা বেয়ে
ঝিলের জলের মাঝে,
পদ্ম, শালুক, শাপলা নিয়ে
ফিরব ঘরে সাঁঝে।

বাবুই পাখির বাসাগুলি
আসব ঘরে নিয়ে,
বাবুল, যখন চাইবে বাসা
না হয় দেবই দিয়ে।

মাঝে মাঝে বসব আমি
সবুজ মাঠের শেষে,
দেখব চেয়ে পাখিগুলো
কি বলছে আজ হেসে।



বনভোজনে মাতব মোরা
ভরবে উঠে প্রাণ,
হেসে, নেচে, আনন্দেতে
গাইব মজার গান।

দূর পাহাড়টা হাতছানিতে
ডাকছে তাহার কোলে,
ছদ্মটির দিনের মজার নেশায়
ষাই গো আমি চ'লে।

১৫৪২

পুতুল-বিয়ে

রুমকি রানীর বিয়ে মাগো
কালকে রাঙ্গা সাঁঝে,
চাঁদমামাটি উঠবে যখন
নীল আকাশের মাঝে।

এতদিন তো ভাবনা ছিল
মেয়ে বড় হ'ল
ভাবনাতে যে ঘুম আসে না
তুমিই মা গো বল?

কণ্ট কি গো কম করেছি
মেয়ের বিয়ে দিতে,
ছেলের মা তো শ্রদ্ধাই জানে
পণের টাকা নিতে।

ছেলের মায়ের পণ বেশি না
আটটি পুঁতির মালা,
খাট, পালং আর মোটরগাড়ি
কাপড়, বাসন, থালা।

কি করব মা দিতেই হ'ল
হলাম এতেই রাজী
কন্যাদায়ের থেকে তো মা
মুক্ত হব আজি!



ডাক্তারী সে পাস করেছে
পাত্র আমার ভালো,
এমন জামাই আনব দেখো
ঘর হবে যে আলো।

যাই মা এখন প'ড়ে আছে
কত যে কাজ বাকি
কেই বা আছে কাজের মানুষ
সবাই দেবে ফাঁকি।

আসল কথা বলি মা গো
বুঝবে তুমি ব্যথা,
পণের মালা হয় নি যোগাড়
হয় না রাখা কথা।

আলমারিতে তুলে রাখা
দার্জিলিঙের মালা,
বোঝই তো মা মেয়ের বিয়ে
কি সে বিষম জদালা।

পুরানো ঐ মালা দিয়ে
কিই বা আমার হবে
মালা দিলে মেয়ে আমার
বরং সুখে রবে।

হাসছে তুমি? দাও না চাবি
আমিই না হয় খুঁলি,
লক্ষ্মী মেয়ে! যেও মা গো
তুমি, বাবা ও বুঁলি।

যাবই চ'লে

মা গো! যাবই আমি চ'লে
দিচ্ছ গালি দিনরাত্তির
দাস্য ছেলে ব'লে।
দোষ কি আমার বল?
বকলে পরে সবারই হয়
চোখটা ছলোছলো।
বলছো তুমি ধূলোমাটি বাজে
আমি তো কই কই না কথা
তোমার কথা ও কাজে।

শোনো! কালকে সকালবেলা
বাচ্চাগালি মোরগ সাথে
করছিল যে খেলা।
কিচির মিচির ক'রে
মুখটি গুঁজে মাটির মাঝে
ধূলোয় মাথা ভ'রে।
ওদের মা তো মানা করে নাকো
বলে না তো “নোংরা এসব
চুপটি ক'রে থাকো”।

বেশ! এসব না হয় রাখি
 ঝগড়া হ'লে রুবিবির সাথে
 দোষটা কেন ঢাকি।
 বল তুমি—“ছোট বোনের সনে
 করতে হয় না ঝগড়াঝাটি
 কারণ অকারণে”।
 কাল দেখেছি শালিক বাচ্চাগলুলো
 ঝগড়া ক'রে একের মাথায়
 দিচ্ছে অনেক ধুলো।
 থাক! বলব না আর কথা
 কাজের মানুষ তুমি মা গো
 বদ্ববে না মোর ব্যথা।
 শালিকগলুলো ঝগড়া যবে করে
 ওদের মা তো বকে নাকো
 কিচির মিচির ক'রে।
 দৃষ্টু মেয়ে তুমি—
 ভাবছি ব'সে পরের জন্মে
 শালিক হব আমি।



দুপুরে

দুপুরবেলা ঘুমিয়ে থাকা
কি যে বিষম জ্বালা,
বদ্ববে না মা! কারণ তোমার
নেই তো কোন খেলা।

একটা দিন তো পার তুমি
ঘুমটি শিকের তুলে
চ'লে যেতে মাঠের শেষে
হঠাৎ পথের ভুলে।

জান না তো কি যে মজা
ঘুরতে আপন মনে,
কতই কি যে দেখি শূন্য
বনের কোণে কোণে।

দুপুরবেলা খুঁজতে মজা
পাখির ডিম ও ছানা
দেখবে তুমি ঝোপে ঝাড়ে
বাসার ধরন নানা।

নীল, বেগুনি ঝোপের মাঝে
পাতায় ঢাকা বাসা,
ফিঙে পাখির নীল রঙের ঐ
চারটি ডিমই খাসা।

সবুজ মাঠে দেখো তুমি
পাতার ফাঁকে ফাঁকে,
গুবরে পোকা গঙ্গাফড়িং
কেমন ক'রে ডাকে।

বকগুলো মা এক পায়েতে
ব'সে পুকুর ধারে,
লক্ষ্য ক'র কেমন ক'রে
মাছটি ওরা ধরে।

এ ছাড়া মা আছে আরো
হালকা মেঘের খেলা,
নীল আকাশে লুকোচুরি
সকাল-সন্ধ্যাবেলা।

কি হবে মা ঘুমিয়ে দূপদূর
এই যে গড়াগড়ি,
তার চেয়ে মা খেলতে খেলা
বেরিয়ে মোরা পড়ি।



सत्यमेव जयते